



KUVENDI I KOMUNËS **KOMITETI PËR KOMUNITETE**

EKSTRAKT

nga procesverbali i mbajtur më 7 dhjetor 2015, në mbledhjen XIX – të (nëntëmbëdhjetë) të Komitetit për Komunitete.

Mbledhja u mbajt në sallën nr. 31 dhe filloi në orën 11.35’.

Mbledhjen e hapi dhe kryesoi z. Shaban Ahmeti, kryesues i këtij Komiteti.

Fillimisht u vërtetua se në mbledhje ishin të pranishëm anëtarët e këtij Komiteti Bahri Selimi, Shaban Osmani, Radisav Perović, Xhafer Ademi dhe Xhevdet Beselica, ndërsa mungoi Mefail Rama.

Me këtë u konstatua se ekziston kuorumi për punë dhe vendimmarrje.

Në mbledhje ishin të pranishëm edhe Liman Zeqiri, shef i Zyrës Komunale për Komunitete dhe Kthim, Halit Vërshevc, shef i Sektorit të Shëndetësisë në Drejtorinë e Shëndetësisë dhe Mirëqenies Sociale, Fadil Babatinca, Policia e Kosovës, Bashkim Bajrami, Policia Kufitare, Fatlume Delija, kryesuese e Komitetit për Komunitete të Kuvendit të Komunës Mitrovicë Veriore, Skender Shatri dhe Bekim Karaxhija OSBE dhe përfaqësuesi i KFOR – it.

1. Miratimi i rendit të ditës

Rendi i propozuar i ditës u miratua njëzëri.

2. Informatë për ecurinë e hartimit të propozimit të Planit të Veprimit për Integrimin e komuniteteve Rom, Ashkali dhe Egjiptian në Komunën e Podujevës për periudhën 2016-2019

Liman Zeqiri, shef i Zyrës Komunale për Komunitete dhe Kthim, theksoi, jam i mendimit se propozimi i planit për të cilin po debatohet së shpejti do të shqyrtohet në këtë Komitet e pastaj do të shqyrtohet në Komitetin për Politikë dhe Financa dhe në Kuvendin e Komunës dhe do të jetë një dokument zyrtar për integrimin e komuniteteve RAE.

Grupi punues i cili ka marrë pjesë në hartimin e këtij propozim Planit është angazhuar maksimalisht dhe në katër takimet e mbajtura e ka dhënë kontributin e vet, pastaj disa anëtarë të Komitetit për Komunitete. Gjithashtu e shfrytëzoi rastin dhe i falënderoj të gjitha Drejtoritë relevante për punën e tyre në ofrimin e të dhënave të nevojshme.

Në veçanti për kontributin mjaftë të madh në hartimin e këtij dokumenti të rëndësishëm për Komunën tonë dëshiroj ta falënderoj OSBE – në e cila na ka ndihmuar në aspektin material por edhe me ide e sugjerime dhe aspekte të tjera.

Në vazhdim në detaje paraqiti bazën në të cilën mbështetët propozimi i këtij Plani si dhe përmbajtjen përkatësisht pesë shtyllat kryesore të propozimit të këtij dokumenti.

Kryesuesi z. Shaban Ahmeti, theksoi, kërkoj falje që në fillim nuk ju informova se në mbledhje është e pranishme z. Fatlume Delija, kryesuese e Komitetit për Komunitete të Kuvendit të Komunës së Mitrovicës Veriore, të cilën e përshëndes dhe i uroj suksese në punën e saj të mëtejshme.

z. Fatlume Delija, i përshëndeti të pranishmit dhe shtoi, jam kryesuese e Komitetit për Komunitete njëherit këshilltare e Kuvendit të Komunës së Mitrovicës Veriore. Komiteti për Komunitete në komunën tonë është themeluar kohë më parë dhe unë jam e interesuar që të shkëmbejmë përvojat në mënyrë që puna e jonë e ardhshme të jetë sa më e suksesshme dhe përfundoj Juve ju uroj suksese dhe punë të mbarë.

z. Shaban Osmani, theksoi, shefi i Zyrës Komunale për Komunitete dhe Kthim në mënyrë shumë të qartë e paraqiti Informatën për ecurinë e hartimit të Planit të Veprimit për Integrimin e komuniteteve Rom, Ashkali dhe Egjiptian në Komunën e Podujevës për periudhën 2016-2020, mirëpo mendimin tonë do ta japim kur ky dokument do të shqyrtohet në këtë Komitet, e pas miratimit në Kuvend të Komunës, siç tha z. Liman Zeqiri, duhet angazhuar për zbatimin në praktikë të njëjtit.

Shfrytëzoj rastin dhe i falënderoj të gjithë pjesëmarrësit të cilët kanë punuar në hartimin e propozimit të këtij plani duke përfshirë edhe OSBE – në e cila ka ofruar mbështetje të pa rezervë.

z. Bekim Karagjija, theksoi, u përmend disa herë mbështetja e OSBE – së për hartimin e propozimit të këtij plani, por realiteti është se puna kryesore është bërë nga përfaqësuesit e Komunës, OSBE vetëm e ka iniciuar çështjen ndërsa angazhimi dhe puna është bërë prej zyrtarëve komunal.

Përndryshe propozimi i planit është mjaftë i mirë dhe i detajuar dhe në krahasim me disa komuna të tjera të cilat i kemi marrë model për hartimin e këtij plani, tash e tutje sigurisht model do të merret Komuna e Podujevës, ngase sipas vlerësimit të OSBE – së ky plan në aspektin e përmbajtjes është më i detajuar dhe më i avancuar.

3. Ngritja e grupit punues për hartimin e Raportit të punës për vitin 2015 dhe Programin e punës për vitin 2016

Grupi punues u ngrit në përbërje si vijon:

1. Shaban Ahmeti,
2. Shaban Osmani, dhe
3. Bahri Selimi

4. Të ndryshme

Kryesuesi z. Shaban Ahmeti, theksoi, jemi në fund të vitit 2015 dhe dëshiroj t'i falënderoj të gjithë për kontributin e dhënë në punën e këtij Komiteti, në veçanti i falënderoj z. Liman Zeqirin, shef i Zyrës Komonale për Komunitete dhe Kthim dhe z. Faik Gashin, shef i Zyrës ligjore.

z. Faik Gashi, theksoi, është e vërtetë se bashkëpunimi është në nivel mjaftë të lartë, të them me stafin administrativ, por gjithsesi duhet theksuar se bashkëpunimi është i mirëfilltë në radhë të parë të anëtarëve të këtij Komiteti dhe në asnjë mënyrë nuk duhet të anashkalohet bashkëpunimi i mirë me Policinë e Kosovës dhe Policinë Kufitare, të cilëve duhet shprehur mirënjohje dhe duhet përgëzuar për bashkëpunimin e mirëfilltë e gjithashtu edhe OSBE – në si dhe subjektet e tjera.

Kryesuesi z. Shaban Ahmeti, theksoi, plotësisht pajtohem me parafolësin, unë thash dëshiroj t'i falënderoj të gjitha subjektet për kontributin e dhënë në punën e këtij Komiteti, nuk i përmenda cilat janë ato subjekte por suksesi i punës së këtij Komiteti është i përbashkët dhe i falënderoj të gjithë për kontributin e dhënë.

z. Skender Shatri, përfaqësues i OSBE – së, theksoi, Ju përgëzoj për punën e bërë dhe për atmosferën shumë relaksuese të cilën e keni në punët dhe angazhimet e juaja, këtë e them duke u bazuar në praktiken për punën e Komiteteve për Komunitete të komunave të tjera dhe jam i bindur se mu kjo atmosferë relaksuese ka ndikuar në punën e juaj mjaftë të suksesshme, andaj Ju dëshiroj suksese të mëtejshme.

Mbledhja përfundoi në orën 12.20'.

**Procesverbalin e mbajti
Faik Gashi**

**Nr. 01-006- 2294
Podujevë,
7 dhjetor 2015**

**Kryesuesi i Komitetit
Shaban Ahmeti**